

詩

經

說

約

詩經說約卷之四

太倉顧夢麟纂述

常熟楊 葵紱訂

鄘一之四

說見上篇

汎彼柏舟、在彼中河、
鬋彼兩髦、實維我儀、
之元矢靡他、母也天只、
不諒人只、

與也中河中於河也鬋髮無貌兩髦者翦髮夾白子事父母之
飾貌死然後去之此蓋指共伯也我共姜白我也儀匹之至矢

誓靡無也。只語助辭諒信也。舊說以為衛世子共伯早死其妻共姜守義。父母欲寡而嫁之。故共姜作此以自誓。言柏舟則在彼中河。兩髦則實我之匹。雖至於死誓無他心。母之於我覆育之恩。如天罔極。而何其不諒我之心乎。不及父者。殷時獨母在。或非父意耳。

疏義舟在中河而無他適之地。我配兩髦而無他適之心。物有定所。人有定志。而用彼我二字相呼應也。大全由音信。廣韻注曰。頭會腦蓋已。孔氏曰。夾白故兩髦也。士既殯而脫髦。諸侯小飲則脫之。若父母有先死者。於死三日。

脫之服成又著之共伯僖侯世子名餘共謚伯字以未成君故
不稱爵○容齋項氏曰內則注云髦象幼時髻兒生三月前髮
為髻男角女羈傷髮俗本誤刻為髻夾由曰角兩髻也午達曰羈三髻也又曰髦者
以髮作偽髻垂兩眉之上如今小兒用一帶連雙髻橫繫額上
是也髻音朵○釋文曰共姜共伯之妻也婦人從夫謚姜姓也
○虞源輔氏曰實維我匹一定而決不可易也之死矢靡他雖
死而誓不敢易也夫母之欲嫁共姜想亦不過是感於愛而慮
其終耳今味共姜自誓之言其至誠貞固之意如此則母之惑
可解而慮可釋矣

麟按河儀他一額。天人一額。儀叶牛河反。天叶鐵同反也。
○沈彼柏舟在彼河側。鬢彼兩髦。實維我特之。死矢靡慝。母也天
只不諒人只。

興也。特亦匹也。慝邪也。以是為慝。則其絕之甚矣。
○大。全。朱。子。曰。特。有。孤。特。之。義。而。以。為。匹。者。古。人。用。字。多。如。此。猶
治之謂亂也。

柏舟二章章七句

○大。全。華。陽。范。氏。曰。哀。亂。之。世。淫。風。大。行。共。姜。得。禮。之。正。而
能守義。故以首飾風也。○或問有孤孀貧窮無託者可再

嫁否。程子曰：只是後世怕寒餓死，故有是說。然餓死事極小，失節事極大。

麟按詩傳闡曰：史記衛世家：釐侯卒，太子共伯餘立。共伯弟和有寵于釐侯，多與之賂，和以其賂賂士，攻共伯于墓上。共伯入釐侯羨，自殺。衛人因葬之釐侯旁，謚曰共伯。而左和為衛公。按此所傳者訛耳。武公之睿聖，雖論定於既沒，豈其惡始而以晚蓋計即位之時已年餘四十，弑兄何事而猶躬自冓之？且共伯若歿于墓，則共姜之哀誓悽惋，寧僅如斯已者？況玉藻云：親沒不髡。若釐侯既葬，則共伯

何為尚兩髦乎。今觀詩傳云。世子未立而卒。蓋知史氏所紀為誣。而武公之盛德。固未易少訾矣。乃兩髦之說。亦有可商者。內則云。子生三月之末。擇日剪髮為髻。男角女羈。否則男左女右。釋禮者以為此即髦也。存而不忍去。所以順父母幼幼之心。長而不忘幼。所以示人子之禮。及親歿始猶幸其生焉。未忍脫之。三日之後。幸生之心已矣。脫之可也。故玉藻云。親沒不髦。此亦未為無據。郝仲興辨之曰。古者幼學稱髦士。猶今之垂髫也。兩髦非也。不髮作雙髻。字取象形。齊風甫田。提角卣是也。共伯以提角卣。共姜

在室、父母欲以別嫁、亦情也。未嫁誓死、人情所難。故風首
列之。漢儒解兩髦為剪髮、夫禮言髦多矣。其皆剪髮
夫自者耶。按郝氏此解、竊為有見。蓋髦之為飾、子事父母
誠有之。內則所云、鷄初鳴、櫛縱笄、搥拂髦冠、綏男女未冠
笄者、亦櫛縱拂髦總角。其言婦事舅姑、止於縱笄、搥衣紳、
并不言拂髦。則髦為男子已冠未冠及女子未嫁者之通
飾。親在則存、親沒則去、似信然矣。至於兩髦則無所見。漢
儒以初生之髻垂兩脅之上者、釋禮之拂髦、而又即以之
釋詩、竊意古今體制、或不甚相遠。若既冠而仍橫繫雙髻、

於額端無貴賤皆然成何法象觀內則以拂髦先冠纁先
總角則冠者必先拂髦而後加冠髦當在冠內未冠者拂
髦而總之為角斯真童子之飾所謂兩髦者此是耶禮男
子冠而後娶共伯兩髦故知共姜尚未嫁也未嫁而以
自誓所為難能而可貴也夫共伯誠以總角卒即其齒長
武公無幾猶當在厲王之世凡詩以時世為次柏舟固宜
先淇澳矣亦足為衛風生色矣此辨大是存之且集傳本
毛氏亦但云共伯蚤死未言被篡也或未嫁事無據耳胡
休復亦曰孔呂據史記辨武公和篡弑之事毋論武公睿

聖不可妄誣。第其歲數在九十五之年。在位凡五十五年。則即位當亦四十餘矣。共伯其兄。則又長。共姜不得獨少。何欲奪之嫁乎。按周厲二十二年。衛貞伯卒。釐侯立十七年。恭伯餘卒。宣王三年。齊武公卒。子厲公無忌立。武公是共姜之父。名燾。十有五年。衛釐侯卒。武公和立。則共伯固卒於釐侯之前矣。必年未及壯。故父母不忍其女而思嫁之。其兩髦義未詳。○魯詩世學說。與傳聞略同。蓋世學為宋宣穆。謚清敏。從明宣熙。先後撰著。尤信詩傳之深者。其關毛鄭及近世揚榮王直蔡清季本之倫。不遺餘力。然

猗鈔本末板行或肇敏亦未見也

牆有茨不可埽也中冓之言不可道也所可道也言之醜也

興也茨蒺藜也蔓生細葉子有三角刺人中冓謂舍之交積材木也道言醜惡也○舊說以為宣公卒惠公幼其庶兄頑烝於宣姜故詩人作此詩以刺之言其閨中之事皆醜惡而不可言理或然也

釋文頑宣公庶子昭伯名也

孔疏左傳閔二年曰初惠公之即位也少齊人使昭伯烝于宣姜不可強之生齊子戴公文公宋桓夫人許穆夫人

嚴緝惠公朔即愬伋者。惠公之母宣姜。即宣公所納伋妻。言話也。謂此一段話也。

大全本草曰。蒺藜一名即藜。注云。子有刺。狀如菱而小。軍家鑄鐵作之以布敵路。亦呼蒺藜。○東萊呂氏曰。前漢梁王共傳應劭注云。中葦材構在堂之中也。顏師古云。構謂今之交績材木也。當從應顏說。蓋閭內隱與之處也。中葦之言。若曰閭門之言也。麟按典理亦至四句便止。下二句又申不可道之故也。○左傳初惠公之即位也。少。孔疏曰。衛宣公以隱四年立。桓十二年卒。終始二十年耳。即位之後。乃納伋子之妻。生壽及朔。朔既有兄。

知其蓋年十五六耳。亦可。燕。證。生。役。非。宣。既。在。後。事。也。齊。人。使。昭。伯。烝。於。宣。姜。不。可。杜。注。曰。昭。伯。不。可。道。集。傳。叶。使。厚。反。字。彙。頭。上。穀。

○墻有茨。不可襄也。中冓之言。不可詳也。所可詳也。言之長也。興也。襄。除也。詳。詳言之也。言之長者。不欲言而託以語長。雖竟也。

○墻有茨。不可束也。中冓之言。不可讀也。所可讀也。言之辱也。興也。束。束而去之也。讀。誦言也。辱。猶醜也。

墻有茨三章章六句。

楊氏曰公子頑通乎君母。閨中之言。至不可讀。其汙甚矣。聖人何取焉而著之於經也。蓋自古漢亂之君。自以為密於閨門之中。世無得而知者。故自肆而不反。聖人所以著之經。使後世為惡者。知雖閨中之言。亦無隱而不彰也。其為訓戒深矣。

大全豐城朱氏曰。宣姜本伋之妻也。一失身於宣公。而為新臺之有泄。再失身於公子頑。而為中冓之不可道。蓋由其節義虧缺於前。是以無所顧藉於後。甘以其身廢於汙穢而不辭。則亦無復羞愧悔悟之萌矣。

麟按夷姜必齊女而夷謚不從莊者莊姜正嫡夷姜媵也然當桓之世與宣生後既先得謚者宣宣已登而有之如唐高宗之於武才人不繫於莊稱父妾者特本其始而言之乎乃宣姜從夫之謚居然若母以庶子燕之至生五子女俱在宣公既沒之後又曰宣姜者何也意此等必有附會以甚其惡又黃才伯曰其事則不可道然其疾惡之心則可尚則所以存是詩者意尤在此不在彼馬讀者姑舉要可耳○求燕婉而得醜疾衛之人疾之矣蘇無言何也使昭伯烝於宣姜不尤甚乎使之而又強之果如左氏

言之醜而不可道。雖燕刺齊亦可也。

君子偕老。副笄六珈。委委佗佗。如山如河。象服是宜。子之不湑。云如之何。

賦也。君子。夫也。偕老。言偕生而偕死也。女子之生。以身事人。則當與之同生。與之同死。故夫死。稱未亡人。言亦待死而已。不當復有他適之志也。副。祭服之首飾。編髮為之。笄。衡笄也。垂于副之兩旁當耳。其下以純懸瑱。珈之言加也。以玉加于笄而為飾也。委委佗佗。雍容自得之貌。如山。安重也。如河。弘廣也。象服。法度之服也。湑。善也。○言夫人當與君子偕老。故其服飾之盛如

此而雍容自得安重寬廣○帝次明甚又有以宜其象服○方今宣姜之不善乃○方如此雖有是服亦將如之何哉言不稱也

孔疏副者祭服之首飾追師掌王后之首服為副○編次注云副之言覆所以覆首為之飾其遺象若今之步搖矣服之以洗王祭祀編○編列髮為之其遺象若今假紒矣服之以告桑也○次次第髮長短所謂髮髻服之以見王是也言編若今假紒者編列他髮為之假作紒形加於首上○次者亦髻他髮與已髮相合為紒是編次所以異也以此笄連副則為副之飾是衡笄也故追師又云追衡笄注云王后之衡笄皆以玉為之唯祭服有衡笄

垂於副之兩旁當耳其下以統懸瑱是也編次則無衡筭言瑠
者以至加于筭為飾后夫人首服之尤尊此副及衡筭與瑠飾
唯后夫人有之卿大夫以下則無○以瑠字從玉則瑠為筭飾
謂之瑠者瑠之言加由副既筭而加此飾如漢之步搖之上飾
也言六瑠必飾之有六據此則侯伯夫人為六王后則多少無
文

大金廬陵羅氏曰統織如條上屬於衡者瑱以玉為之以續縹
之而屬於統懸之當耳縛音篆

通解首五句且泛象服即副筭六瑠不飾不可顯言其渙亂只

反上委委佗佗等句。方為渾厚得音。

麟按名物疏。追師後鄭曰。王后之衡筭。皆以玉為之。惟祭服有衡。垂於副之兩旁當耳。其下以純懸瑱。筭。卷髮者。此詩毛傳云。筭。衡筭。蓋懸引追師追衡筭之文。以見筭之為玉也。衡筭二物。衡垂於當耳。筭橫于頭上。朱傳誤以衡筭為一。云筭垂於副之兩旁當耳。其下以純懸瑱。此乃釋衡。非釋筭也。然其辨亦略本嚴華谷。○王后之衡筭。皆以玉為之。言衡與筭。皆以玉為之也。禮書圖甚明。筭長尺二寸。禮書又引孔穎達說曰。婦人笄服有衡。則男子首服亦然。王后之衡以玉。則天子之衡亦玉。諸侯以

下未聞然則左傳言衡則繼以統○弁師士冠禮言筭則繼以統○
是衡有統○筭有統也○皆與前說合○統○鄭氏曰○層組為統○垂為飾○
○副筭六珈○副字易解○筭六珈三字據上○絲絲亦不得其說○陸
聚岡曰○副之旁有筭○筭之上加以六玉為飾○注中以統懸瑱是
解筭而帶言之○不必入講○然則懸瑱之云○自至下玉之瑱也○句
方出○况統既屬衡○不屬於筭○直略之是也○但據禮書圖○筭只是
一根簪耳○六珈是以玉加於筭而為飾○筭上固無可加之地○或
當因筭既玉而又有六玉之飾○故遂云加○於筭者○言筭之外
又有所加○非即加於筭上也○則此句當作三項看○則是一項筭

是一項而六珈又一項副旁有筭筭外有玉以外字換上字自
明也餘即連衡字亦闕之勿混為佳○珈佗河宜何一韻珈叶
居河反宜叶牛何反○象服雖即指副筭六珈然副筭六珈亦
是舉一概餘之意非象服止此而此外即無象服也亦要看得
活○周禮追師掌王后之荀服為副編次追衡筭連文也追者
治玉之名言治玉以為夫人之衡與筭鄭注曰惟祭服有衡垂
於副之兩旁當耳其下以純懸瑱本無筭字此孔疏誤入賈疏
又曰案詩有副筭六珈謂以六物加於副上未知用何物則珈
又似作虛字非即加之之物名珈也禮書又曰漢之步搖以金

為鳳。下有卽。前有筭。綴五采玉以垂下。行則動搖。魏晉因之。隋改為花樹之數。唐加大花十二樹。象袞冕十二旒。雖古今制不同。六珈之義。差可彷彿矣。○筭有絃者。弁師疏曰。以一條繩先屬一頭於左旁。筭上以一頭繞於頤下。至向上於右相筭上。繞之合解曰。以玉為筭。橫貫於紐。以朱為絃。綴於筭之兩端而結於頤下。豈此婦人則否。與追師疏曰。婦人之衡亦施于三翟矣。鞠衣以下。雖無衡。亦應有統。以懸瑱。則又所別之。至明大氏弁師主玉而追師主后也。追師疏又曰。筭既橫施。衡垂可知。然衡訓為橫。既垂之。而又得為橫者。其筭言橫據在頭上。此衡則別

旁當耳。據人身。豎為從。此衡則為橫。

○珽。珽。珽。其之。翟也。髮髮如雲。不屑髮也。玉之珽也。象之珽也。揚且之替也。胡然而天也。胡然而帝也。

賦也。珽。鮮。盛。貌。翟。衣。祭服。刻。繒。為。翟。雉。之。形。而。彩。画。之。以。為。飾。也。髮。黑。也。如。雲。言。多。而。美。也。屑。潔。也。髮。髮。也。人。少。髮。則。以。髡。益。之。髮。自。美。則。不。繫。于。髡。而。用。之。也。珽。塞。耳。也。象。象。骨。也。掃。所。以。摘。髮。也。揚。眉。上。廣。也。且。助。語。辭。替。白。也。胡。然。而。天。胡。然。而。帝。言。其。服。飾。容。貌。之。美。見。者。驚。猶。鬼。神。也。

孔疏既夕記云。珽。塞。耳。充。耳。是。也。或。曰。充。耳。淇。澳。云。充。耳。綉。瑩。

是也。以象骨接首。因以為飾。名之掃。故云。所以摘髮。葛屨云佩其象掃是也。

嚴緝。若今之篋兒。

麟按嚴氏輔氏此言其者。承上文指宣姜也。云其之翟者。按王后六服。緯衣一。揄翟二。闕翟三。鞠衣四。展衣五。褖衣六。三翟皆祭服。皆刻繒為翟雉之形。而画彩之。以為飾。素質五色皆備。曰鞶。青質五色皆備。曰揄。緯衣画鞶。揄翟画揄。闕翟刻而不画。此三翟之別也。侯伯夫人揄翟。子男夫人闕翟。衛侯爵。故止是揄翟。闕翟無緯衣也。類攷又曰。王之吉服九。九陽之窮也。后之吉

服六六陰之中也。王之服九而祭服六。后之服六而祭服三。以婦人不預天地山川社稷之祭也。王之服衣裳之色異。后之服連衣裳而其色同。以婦人之德本末純一故也。王之服禪而無裏。后之服裏而不禪。陽成于奇。陰成于偶也。翟雉各繭。雅曰。伊雉而南。素質五色皆備。成章曰。翟。江淮而南。青質五色皆備。成章曰。摠。三翟。摠衣為上。揄狄次之。闕翟。周禮謂之闕。禮記謂之屈。以其制。居于揄狄也。侯伯夫人揄翟者。言自揄翟以下也。子男夫人闕翟者。言自闕翟以下也。若止服揄翟。闕翟則下車無展衣矣。摠即揄狄。即翟揄。或又作揄。誤。○淇與充耳。瑋瑋注。

琇瑩美石也。天子玉璜。諸侯以石。衛夫人而玉璜。是服之盛也。且上章云以純懸而屬之。衡者則指此矣。天子諸侯璜。玄純黃。續卿大夫璜。玄純青。續士璜。玄純素。續則衛夫人璜。亦玄純黃。續可知象。今用以牙而掃云骨。則不知何據。○揚眉上廣也。徐玄扈曰。上即高字意。廣即長字意。黃才伯曰。又兼之揚眉而上。廣亦同。然未免稍牽強。愚意只作眉上開廣亦可也。○玼翟髦。掃督帝一韻。翟與督俱叶去聲。中州語固如此。○名物疏按弁。師云。諸侯玉璜。鄭注冬官玉人云。公侯四玉一石。子男三玉二石。則諸侯得用玉。毛云。諸侯以石。蓋失之。然麟攷四玉一石三。

玉二石者。因上圭璧而言。非謂瑱也。

○璫号璫号。其之展也。蒙彼縹緇。是繼祥也。于之清湯。揚止之類也。展如之人号。邦之媛也。

賦也。璫亦鮮盛貌。展衣也。以禮見於君及見賓客之服也。蒙覆也。縹緇。縹之威感者。當暑之服也。繼祥。束縛意。以展衣蒙縹緇而為之繼祥。所以自歛飭也。或曰。蒙謂加縹緇於襲衣之上。所謂表而出之也。清視清明也。揚眉上廣也。額角豐滿也。展。城也。美女曰媛。見其徒有美色而無人君之德也。

孔疏。縹者。以葛為之。精曰縹。麤曰縹。其精尤細。靡者縹也。言細

而縷縵。○以目視清明，因名為清。揚者，眉上之美名。因謂眉上眉下皆曰揚。目上目下皆曰清。故野有蔓草，傳曰：清揚為目之閒。猗嗟，傳曰：目下為清。

說通毛云：展以丹縠為衣。孫毓因之曰：褱衣赤，榆翟青，闕翟黑。鞠衣黃，展衣赤，褖衣黑。鄭則曰：王后六服之次，展衣宜白。其注天官司服亦云：展衣白。未知孰是。按說文云：璫，玉色鮮白也。若從此，則色當婦鄭不歸毛矣。

麟按：展衣在外，縵縵在內。清揚，額亦作三項說。觀孔氏眉上眉下之云，蓋信訓上為高，非正也。展褱，額一額，展褱，額俱叶乎。

聲

君子偕老三章一章七句一章九句一章八句

東萊呂氏曰首章之末云子之不湍云如之何責之也二章之末云胡然而天也胡然而帝也問之也三章之末云展如之人兮邦之媛也惜之也辭益婉而意益深矣

大全華谷嚴氏曰此詩唯述夫人服飾之盛容貌之尊不及淫亂之事但中間有子之不湍一語而譏刺之意盡見爰采唐矣沫之卿矣云雖之思美孟姜矣期我乎桑中要我乎上宮送我乎淇之上矣

賦也。唐蒙萊也。一名兔絲。沫，衛邑也。書所謂妹邦者也。孟長也。姜，齊女，言貴族也。桑中，上宮。淇上，又沫鄉之中小地名也。要，猶迎也。○衛俗淫亂，世俗在位相竊妻妾，故此人自言將乘磨於沫而與其所思之人相期會迎送如此也。

麟按諸書：唐蒙女蘿菟絲王女松蘿兔丘兔蘆菟綖赤綱菟蒙亦十一名。然依名物疏，本草草部有兔絲，木部有松蘿，俱名女蘿。蓋名同實異也。小雅所稱之女蘿，正松蘿。非兔絲，即與唐蒙晉書地道記朝歌城本沫邑。書酒誥云：「明大命於妹邦。」阮棟與沫一也。淇之上與之上，叶平聲。然六帖云：「末句獨韻收。」又必有

據○五章俱孟○或云亦以惟嫁長女平○乃有齊季女為大夫妻○未必非世族○

○爰采麥矣○沫之北矣○云誰之思○美孟弋矣○期戒乎桑中○要戒乎上宮○送我乎淇之上矣○

賦也○麥穀名○秋種夏熟者○弋春秋或作姒○蓋杞女夏居氏之後○亦貴族也○

麟按名物疏○按左傳定十五年秋七月壬申姒氏卒○九月辛巳葬定姒○穀梁作弋氏定弋○

○爰采葑矣○沫之東矣○云誰之思○美孟庸矣○期戒乎桑中○要戒乎

上宮、送我乎淇之上矣、

賦也、薪、蔓菁也、庸、未聞、疑亦貴族也、

大全安成劉氏曰、孟姜、孟弋、孟庸、亦能言貴族、以摘所私之人、非必當時實有此三姓之女也、
說通詩故曰、庸、即鄆女、亦國姓也、

桑中三章章七句、

樂記曰、鄭衛之音、亂世之音也、比於慢矣、桑間濮上之音、亡國之音也、其政散、其民流、誣上行私而不可止也、按桑間、即此篇、故小序亦用樂記之語、

鴉之奔奔。鴉之疆疆。人之無良。我以為兄。

典也。鴉。鴉屬。奔奔。疆疆。居有常匹。飛則相隨之貌。人謂公于頑。良善也。○衛人刺宣姜與頑。非匹耦而相從也。故為惠公之言。以刺之。曰。人之無良。鴉鴉之不若。而我反以為兄。何哉。

孔疏言鴉則鴉自相隨。奔奔然。鴉則鴉自相隨。疆疆然。各有常匹。不亂其類。

嚴緝山陰陸氏曰。鴉無常居而有常匹。李氏曰。鴉性不淫。

麟按此反興。兄。韻今屬庫。轉陽。是典。疆。叶也。字彙。又。虞。王切。寄。荒。釋名。兄。荒也。大也。青徐人謂兄為荒。又叶。盧。良切。音。香。漢。詩。

雖有親兄。安知其不為狼。

○鵠之強強。鵠之奔奔。人之無良。我以為君。
興也。人謂宣姜君小君也。

鵠之奔奔。二章章四句。

范氏曰。宣姜之惡。不可勝道也。國人疾而刺之。或遠言焉。或切言焉。遠言之者。君子偕老是也。切言之者。鵠之奔奔是也。衛詩至此。而人道盡。天理滅矣。中國無以異於夷狄。人類無以異於禽獸。而國隨以亡矣。胡氏曰。楊詩有言。詩載此篇。以見衛為狄所滅之因也。故在定之方中之前。國

以是說考於歷代。凡淫亂者。未有不至於殺身敗國而亡其家者。然後知古詩垂戒之大。而近世有獻議乞於經筵。不以國風進講者。殊失聖經之旨矣。

定之方中。作于楚宮。揆之以日。作于楚室。楸之榛栗。栢桐梓漆。爰伐琴瑟。

賦也。定。北方之宿。營室星也。此星昏而正中。夏正十月也。於是時可以營治宮室。故謂之營室。楚宮。楚丘之宮也。揆。度也。楸。八尺之梟。而度其日之出入之景。以定東西。又參日中之景。以定南北也。楚室。猶楚宮。互文以協韻耳。榛。栗。二木。其實榛小栗大。

皆可供邊實。檟、梓實桐皮。桐、梧桐也。梓、楸之疎理白色而生子者。漆木有液黏黑可飾器物。四木皆琴瑟之材也。爰於也。○衛為狄所滅。文公徙居楚丘。營立宮室。國人悅之。而作是詩以美之。蘇氏曰：種木者求用於十年之後，其不求近功。凡此類也。○
大全晉天文志曰：營室二星，一曰玄宮，一曰清廟。又為土功事。○安成劉氏曰：夏正十月建亥，春秋時十二月也。農事已畢，可以興作。而人君居必南面。故亥月昏時見定星當南方之午位。因記此星為每歲營作之候。又因號為營室。此蓋成周以後之制。上考唐虞之時，定星以戌月昏中。歲久而差。至周時，定星始

以亥月昏中下逮今日此星又以子月昏中矣○孔氏曰匠人
云水地以懸置槩以懸臚以景為規識日出之景與日入之景
畫參諸日中之景注云於四角立植而懸以水望其高下高下
既定乃為位於平地於所平之地中央樹八尺之臬以懸正之
槩臬同○安成劉氏曰彭魯叔云槩柱也懸無繩也柱有四角
四中垂以八繩繩皆附柱則其柱正矣柱正然後視之以測日
景也又轉筵畫地為圓規朝識日景其端指西暮識日景其端
指東兩端長短必與規齊測其端則東西正就其中屈之則南
北亦可正也又於畫漏午時參此日中之景可以正南方之位

因以正北方之位也。此周禮定方制度。衛文公建宮室定四方之法。蓋亦如此。○慶源輔氏曰。古人之作室。上順天時。下正方面。不敢苟也。○華谷飛氏曰。陸璣言有青桐、白桐、赤桐。此作琴瑟者。白桐也。椅桐、梓漆之桐。為白桐。梧桐生矣。之桐為青桐。○本草注曰。桐有四種。一種白桐。可斲琴。葉三枚。開白花。不結子。一種在桐子。可作油。一種梧桐。今人收其子。炒作栗。一種岡桐。無花。不可作琴。體重。梓似桐。而葉小。花紫。亦有三種。漆樹高三二丈。皮白。葉似椿。花似槐。以斧斫其皮。開以竹筒盛之。汁滴則成漆也。

說通營建種植不平樹之三句。是美綜理之周。爰伐琴瑟。言異日可伐以為琴瑟耳。非曰琴瑟必有待於此也。今人因伐琴瑟。遂增出實籩豆。又以為作禮樂玩詩意。只開開說過。未嘗有此意。

○升彼虛矣。以望楚矣。望楚與堂。景山與京。降觀于桑。卜云其吉。終然允臧。

賦也。虛。故城也。楚。楚丘也。堂。楚丘之旁邑也。景。測景以正方面也。與。既景迺岡之景同。或曰。景山名。見商頌。京。高丘也。桑。木名。葉可飼蠶者。觀之以察其土宜也。允。信臧善也。○此章本其始。

之望景觀〇觀卜讀音至而字讀誤卜而言以至於終而果獲其善也。

孔疏蓋地有故墟高可登之以望猶僖二十八年左傳稱晉侯登有莘之墟也。升墟而并望楚堂明其相近故言楚丘有堂邑。楚丘本亦邑也。但今以為都故以堂繫楚丘而言之。粹丘云純高為之京郭璞曰人力所作也。又云非人為之丘郭璞曰地自然生則丘者自然而有京者人力所為形則相類故云京高丘也。

大全安成劉氏曰衛詩多言桑如桑中興氓詩及此皆再三言之蓋衛地跨冀兗二州桑者尤其土所宜而民生之所資也據

楚丘在吳河之東、兗州之境、則文公所觀所說其桑土之野乎。
○鄭氏曰、望楚丘與旁邑審其高下所依倚。○東萊呂氏曰、升
望以領略其大勢。○安成劉氏曰、建國之制必先辨方、辨方之
法必攷日景、故謂之景。此章景山與京先審其丘山之方向也。
上章揆之以日、演定其宮室之方向也。

說通望楚堂審一國之形勢。景山京定一國之方面。
麟按此章注雖有望景觀卜之說、不可不四項作主、驅經從傳。
自庚語氣蓋詩皆以兩句為一連、四句為一截、而此篇各上四
句一截、下三句又一截、判然不明亂之則非也。又三章各上二

句一韻下五句另一韻俱首尾一律。虛起呂反本與楚叶又升。虛望楚平對京居良反本與堂集減叶而望楚與堂景山與京。亦平對上以一項對一項下以兩項對兩項。斷然不易也。降觀三句自作一氣通下。若必以望景觀卜作四下平對而未句總承如通解講意之說牽強不成話甚矣。一二以升望為對三四以望景為對至此始脫去升字也。若三句對一句如何成文字。

○靈雨既零。命彼倌人。星言夙駕。說于桑田。匪直也人。東心塞淵。昧牝三千。

賦也。靈善零落也。信人主駕人也。星見星也。說舍止也。秉極塞
實淵深也。馬七尺以上為駟。○言方春時雨既降而農桑之務
作。文公於是命主駕者晨起駕車。亟往而勞勸之。然非獨此人
所以操其心者。誠實而淵深也。蓋其所畜之馬七尺而牝者亦
已至於三千之衆矣。蓋人操心誠實而淵深。則無所為而不成。
其致此富盛宜矣。記曰。問國君之富。數馬以對。今言駟牝之衆
如此。則生息之蕃可見。而衛國之富亦可知矣。此章又要其終
而言也。

鄭箋星雨止星見

呂記靈雨李氏曰好雨也

嚴緝猶杜詩云好雨知時節以其發生故謂之好

大全朱子曰古人戴星而出戴星而入必是身耐勞苦方能率
得人○疊山謝氏曰秉心也實故事事朴實不尚高虛之談秉
心也淵故事事深長不為淺速之計

麟按此章亦宜紹上兩章前二句以零人為韻下五句以田淵
千為韻方見自然集傳并驅田淵千以從零人為一韻而六帖
從之似不必也第三句轉處無韻則誰謂荼苦毋逝我梁固
有然者又不可拘○靈雨既零命彼倌人二句宜讀斷命之之辭

已○藏○在○內○星○言○夙○駕○說○于○桑○田○另○起○是○敘○事○之○辭○言○文○公○遂○於○
次○日○雨○止○見○星○夙○駕○往○舍○非○方○命○倌○人○以○夙○駕○也○桑○田○平○說○是○
兩○項○匪○直○也○人○秉○心○塞○淵○八○字○作○一○氣○而○又○喚○下○未○了○經○人○字○
注○此○人○字○斷○指○文○公○言○非○特○哉○公○所○以○存○之○心○者○塞○實○而○淵○深○
抑○已○實○驗○於○政○事○而○駮○杞○云○云○也○塞○淵○秉○之○於○內○只○是○心○而○見○
之○於○外○則○為○事○業○故○云○然○

定之方中三章章三句

按春秋傳衛懿公九年冬狄入衛懿公及狄人戰于葵澤
而敗死焉宋桓公迎衛之遺民渡河而南立宣姜于申以

廬於潛。是為戴公。是年卒。立其弟燬。是為文公。於是齊桓公合諸侯以城楚丘而還衛馬。文公大布之衣。大帛之冠。務材訓農。通商惠工。政教勸學。授方任能。元年革車三十乘。季年乃三百乘。

孔疏。閔二年左傳曰。狄人侵衛。衛懿公好鶴。鶴有朱軒者。將戰。國人受甲者皆曰。使鶴。鶴實有祿位。余為能戰。公與石祈子決。與甯莊子矢。使守曰。以此賁國。擇利而為之。與夫人繡衣曰。聽於二子。渠孔御戎。子伯為右。黃夷前驅。孔嬰齊殿。及狄人戰於榮澤。衛師敗績。遂滅衛。傳言滅。經書。

入者賈逵云、不與夷狄得志於中國、左傳又曰、及敗宋桓
公、遂諸河、宵濟、衛之遺民男女七百有三十人、益之以共
滕之民、為五千人、立戴公以廬於漕、杜預云、廬、舍也、害國
都亡滅、且舍於此也、此渡河處、漕、戴公時也、唯傳言戴公
之立、不言其卒、而世家云、戴公申元年卒、復立其弟文公、
二十五年、文公卒、案經傳、二十五年、衛侯燬卒、則戴公之
立、其年即卒、故云一年、然則狄以十二月入衛、懿公死、其
月戴公立而卒、又文公立、故閏二年、傳說衛文公衣大布
之衣、大帛之冠、服虔云、戴公卒在於此年、杜預云、衛文公

以喪中非言僉言自功也

按此則大布大帛

以此年冬立是也。戴公立未踰年而成君稱謚者以衛既
滅而立不繫于先君故臣子成其喪而為之謚而為之謚
者與繫世者異也。

大全程子曰一章言建國之事次章方言相土度地之初
屬文之勢然也。今文首言其事然後言其初者多矣。卒章
則叙其勤勞以致殷富。○安成劉氏曰春秋紀事用周月
定星中時乃周之十二月。衛懿公九年十二月狄滅衛戴
公立而卒。文公繼立以次年為元年至文公二年歲首之
月齊桓始城楚丘則詩人所指定星方中其在文公元年

之終楚丘未城之先歟然詩言終焉允臧駟牡三千則是詩蓋作於文公之季年而追言其始遷時一事耳故二章以前皆本其始二章以後則要其終也

蝦蟇在東莫之敢指女子有行遠父母兄弟

比也。蝦蟇紅也。日與雨交倏然成質似有血氣之類乃陰陽之氣不當交而交者蓋天地之淫氣也在東者莫紅也。紅隨日所映故朝西而莫東也。○此刺淫奔之詩言蝦蟇在東而人不敢指。○以此淫奔之惡人不可道况女子有行又當遠其父母兄弟豈可不顧此而冒行乎。

六帖女子有行遠父母兄弟。此婚姻正始之大禮也。只消如此說。

○朝隣于西。崇朝其雨。女子有行。遠兄弟父母。

此也。隣。升也。周禮十煇。九曰隣。注以為虹。蓋忽然而見。如自下而升也。崇。終也。從旦至食時為終朝。言方雨而虹見。則其雨終朝而止矣。蓋溽愍之氣。有害於陰陽之和也。今俗謂虹能截雨。信然。

大全春官注。祗視掌十煇之法。以觀妖祥。辨吉凶。煇。謂日旁之光氣。一曰侵。陰陽氣相侵。赤雲為陽。黑雲為陰。二曰象。如赤烏。

三曰鑄日旁雲氣刺日四曰監赤雲在日旁如冠珥五曰闕日
月食六曰青日月無光七曰彌雲氣貫日而過八曰叙雲氣次
序如山在日上九曰隤紅也十曰想襟氣有似可形像輝青運
○乃如之人也懷昏姻也大無信也不知命也

賊也乃如之人指淫奔者而言婚姻謂男女之欲程子曰女子
以不自失為信命正理也○言此淫奔之人但知思念男子之
欲是不能自守其貞信之節而不知天理之正也程子曰人雖
不能無欲然當有以制之無以制之而惟欲之從則人道廢而
入於禽獸矣以道制欲則能順命

麟按信命集傳俱叶平殺四句一韻。然人姻一韻。信命一韻。而句各叶似近自然。○結處忽說道學奇。

蝦蟆三章章四句

和鼠有皮人而無儀人而無儀不死何為

興也相視也鼠蟲之可賤惡者○言視彼鼠而猶必有皮可以人而無儀乎人而無儀則其不死亦何為哉○疏義此蓋甚言人不如物之意而以有無二字相呼為興也○麟按亦反興至二句止三四另轉以痛責之○相鼠有齒人而無止人而無止不死何俟○

與也止客止也俟待也

○相鼠有體人而無禮人而無禮胡不遄死
與也體支體也遄速也

相鼠三章章四句

子子干旌在浚之郊素絲紕之良馬四之彼姝者子何以畀之
賦也子子特出之貌干旌以旌牛尾鄭注旌係也注于旗干之前而建之車
後也浚衛邑名邑外謂之郊紕織組也蓋以素線織組而維之
也四之兩服兩騾凡四馬以載之也姝美也子指所見之人也
畀與也○言衛大夫乘此車馬建此旌旄以見賢者彼其所見

之賢者。將何以畀之。而答其禮意之勤乎。

麟按。干詩記李氏曰。與竹竿字通用。爾雅亦作杠。素錦綢杠是也。綢。韜也。廣雅曰。天子杠高九仞。諸侯七仞。大夫五仞。又爾雅注。旄首曰旌。郭璞注。載旄於竿頭。如今之幢。亦有旄。詩緝。旄者牛尾也。以旄牛尾為之。是旄之解也。然既曰旄者牛尾。又曰以旄牛尾為之者。則釋畜撮牛。郭璞注。旄牛之髀膝尾皆有長毛。牛之屬。固有旄牛也。或是旄牛。而又以其尾為之。故燕言之耳。純。織組也。則紕是實字。然曰以素絲織組。而維之。又以實字為虛字矣。蓋紕字義。伏素然內。而維字義。伏純字內。下章組之更。

是顯言義宜同也。內則注組亦織也。又云組紉皆為條。則此當從條義。素練紕之者。通解云。雖此千旋。使不渙散也。講意云。連于車之旋。則素然以紕之。載夫旋之車。則四馬以載之也。凡此皆大夫常儀。而特以在後遂生精彩。須識此意。何以昇之者。六帖云。見得經綸之蘊。非淺近所能窺。廟堂之計。非道路所預聞。不可指言其何事也。此舊說固是。愚意謂亦未盡詩人之旨。蓋下賢之典。曠闕已久。一時創見。在詩人亦出不意。極為賢士慶。其適際之隆。其意以為不知何等陳說。方可報稱殊遇也。要在何以上認出誇美讚歎矜謝不盡之意。反不重在賢身上。方是。

語氣方是詩旨。

○牙牙千旗在浚之都。素絲組之。良馬五之。彼姝者子。何以予之。
賦也。旗州里所建。鳥隼之旗也。上設旌旄。其下繫旂。旂下屬絲。
皆畫鳥隼也。下邑曰都。五之五馬。言其盛也。

呂記孔氏曰。周禮州里建旗。大司馬又曰。百官載旗。朱氏曰。都
居民所聚也。

大全終音。旂之體也。○孔氏曰。三章五文也。言旌則有旒。終
言旗則有旌旄矣。○周禮司常曰。鳥隼為旗。攷工記曰。鳥旗七
旂。以象鶡。大蓋畫朱鳥。及隼於旂終之上也。

麟按百官載旗本以治兵。即司常之文。亦謂大閱及祭禋會同
賓客所建。皆國之大禮。大夫見賢無建旗之制也。豈亦取叶韻
兼欲參大其文不甚煩瑣。細與旂字景音由。旌旗之末垂者又
音皆。冕旒而於旒字下。又云音皆。旌旂綴垂者。龍旂九旒。崔七
虎。六周禮注疏亦曰旒音皆。則必古人旒旂字通也。且旒旒旒
體而旒下屬。旒必在上。旒必在下。爾雅又曰。纁帛旒。注曰。纁帛
絳也。旒衆旒所屬是。蓋以絳帛為旗體。而衆旒繫之。旒象鵝火
其屬七星。故七旒也。旒取下垂亦當與冕旒同義耳。禮書曰。揭
旗以杠。綢杠以錦。正幅為旒。屬旒為旒。旒亦曰旒。旒以纁。則旒

績矣。左傳曰：績蒺是也。其說更明。不煩別簡。績蒺同。漆赤之草也。績蒺即今紅旗。蓋取漆赤之草為名。蒺步昧切。音佩。旂同。○牙牙千旌。在浚之城。素絲祝之。良馬六之。彼姝者子。何以告之。賦也。析羽為旌。千旌。蓋析翟羽設於旗干之首也。城都城也。祝屬也。六之六馬。極其盛而言也。鄭箋祝當作屬。屬著也。著直略反。疏義析分也。分其羽而間綴之。大金孔氏曰：孫炎云：析五采羽注旒上。則干之上有旒有羽。又爾雅注旒首曰旌。則千旒千旌一也。○朱子曰：五之六之。取協。

韻耳亦極言其車馬之盛見其位高勢重而能降屈於賢者如此非心誠好善不能也
麟按五馬行春朽索六馬雖於傳有之然此處只紹朱說不必畫添

干旄三章章六句

此上三詩小序皆以為文公時詩蓋見其列於定中載馳之間故爾他無所攷也然衛本以淫亂無禮不樂善道而亡其國今破滅之餘人心危懼正其有以懲創往事而興起善端之時也故其為詩如此蓋所為生於憂患死於安

樂者。小序之言。疑亦有所本云。

大全安成劉氏曰。懲往事而興善念。於是漢亂者有蝦練之刺。無禮者有相鼠之惡。樂善道者又有干旄之詩。

載馳載驅。歸唁衛侯。驅馬悠悠。言至於漕。大夫跋涉。我心則憂。賦也。載則也。弔夫國曰唁。悠悠遠而未至之貌。草行曰跋。水行曰涉。宣姜之女為許穆公夫人。聞衛之亡。馳驅而歸。將以唁衛侯于漕邑。未至而許之大夫有奔走跋涉而來者。夫人知其必將以不可歸之義來告。故心以為憂也。既而終不果歸。乃作此詩以自言其意爾。

孔疏昭二十五年公孫於齊次於陽州齊侯唁公於野井穀梁
傳曰弔失國曰唁唁公不得入于魯是也此據失國言之若對
弔死曰弔則弔生曰唁何人斯云不入唁我左傳曰齊人獲賊
堅齋侯使風沙衛唁之服虔云弔生曰唁以生見獲故唁之也
嚴緝山有樞疏曰走馬謂之馳策馬謂之驅

麟按只言宣姜之女妙不可曰宣公之女不必曰昭伯之女也
與左傳言立宣姜子申以廬於漕同漕叶祖侯反魯詩世學自
尤切

○既不我嘉不能旋反視爾不臧我思不遠既不我嘉不能旋濟

視爾不臧。我思不閔。

賦也。嘉臧皆善也。遠猶忘也。濟渡也。自許歸衛。必有所渡之水也。閔閉也。止也。言思之不止也。○言大夫既至而果不以我歸為善。則我亦不能旋反而濟。以至於衛矣。雖視爾不以我為善。然我之所思終不能自己也。

○陟彼阿丘。言采其蕓。女子善懷。亦各有行。許人尤之。衆穉且狂。賦也。偏高曰阿丘。蕓貝母。主療鬱結之疾。善懷多憂思也。猶漢書云岸善崩也。行道尤過也。○又言以其既不適衛而思終不止也。故其在塗。或升高以舒憂想之情。或采蕓以療鬱結之疾。

蓋女子所以善懷者。亦各有道。而許國之衆人。以為過。則亦少不更事而狂妄之歟。爾許人守禮。非穉且狂也。但以其不知已情之切至而言若是爾。然而卒不敢違焉。則亦豈真以為穉且狂哉。

呂記言女子雖多懷思。然今之所以迫切者。亦各有道。他人不知。則以為女子性情之常而尤之也。

麟按行。亦叶戶郎反。魯詩世學音杭。○偏高阿丘。釋丘文。邢疏謂丘形四隅有一高而不正。在左右前後者。

○我行其野。芄芄其麥。控于大邦。誰因誰極。大夫君子。無我有尤。

國所思不如我之所

賦也。芄芄，麥盛長貌。控持而告之也。因如，因魏莊子之因。極至也。大夫，即跋涉之大夫。君子謂許國之衆人也。又言歸途在野而涉芄芄之麥，又自傷許國之小而力不能救，故思欲為之控告于大邦，而又未知其將何所因，而何所至乎。大夫君子無以戒為有過，雖爾所以廢此百方，然不如使我得自盡其心之為愈也。

呂記：王氏曰：百爾所思不如我所之者，終欲歸咎之辭。

嚴緝因如，因徐辟而見孟子與無國而前之因。所之，錢氏曰：之。

適也。

六帖衆釋且狂。是恨詞。無我有尤則哀詞。氣以漸而平也。
麟按上章陟丘適衛將送之時。此章行野歸而在途之時也。何
所因何所至。作兩下不說尤叶于其反。○百爾所思聚岡云如
致書遣人之類。曲為謀以代歸唁者。

載馳四章。二章章六句。二章章八句。

事見春秋傳。舊說此詩五章。一章六句。二章三章四句。四
章六句。五章八句。蘓氏合二章三章以為一章。按春秋傳。
叔孫豹賦載馳之四章。而取其控于大邦。誰因誰極之辭。

與蘓說合。今從之。范氏曰：先王制禮，父母沒則不得歸寧者，義也。雖國戚君死，不得往赴焉，義重於亡故也。
大全朱子曰：載馳詩然有荀尾委曲詳盡，非大段會底說不得。又曰：聖人錄泉水於前，所以著禮之經，列載馳於後，所以盡事之變。夫宗國覆滅，莫大之變，願以父母既終而不得歸，則事變之激，于是可知矣。然則許穆夫人亦賢矣哉。又曰：宣姜生衛文公，宋桓夫人許穆夫人，衛壽子以此觀之，則人生自有秉彝，不係氣類。
麟按：泉水之謀諸姬，此章之語大夫，皆為設詞，非實事也。

然錄詩之故。重不在此。只要見其不敢犯義。以歸寧。雖圖
故。猶是第二着耳。通解云。此與齊子本嫁魯詩。載齊風同。
而美惡異。可謂深得此篇之指者也。
鄘國十篇。二十九章。百七十六句。